



光緒歲次戊子

龍岡山人

詩鈔續刻

龍岡山人古今體詩鈔

卷上

柏臺集

庚辰

戴璐藤陰雜記云都察院稱柏臺固無柏也傳巖溪任副憲時植柏於堂前賦五古詩俾科道和韻余於光緒庚辰六月到臺見夾道成林黛參天蔭數畝矣每下直倚樹吟哦間有所得彙成一卷凡若干首爲柏臺集

送教金甫郎中還蜀覲省

長安花發燕雛飛夢繞家園綠草肥去國煖辭馮豹被思親笑拂  
老萊衣春雲樹色迷征騎急峽江聲撼舊扉試問馳驅名利客幾  
柏臺集

人回首念當歸

卷上

一

題贈忻州郝星台二首

星台名魁光山西歲貢生年七十喜吟咏以其詩二卷介  
門人衛作宮見投余重其老耽風雅題以歸之

八月霜高雁叫煙使車會上太行顛白雲汾水今猶在又見唐風  
蟋蟀篇

休文雅興寄郊局魚鳥溪湖繞戶庭

郝集中詩句云休文雅有想  
郊居興魚鳥溪湖繞戶庭

見高歌風雨夕四山黃葉一鏗青

附郝星台和作

衰衣博帶在泥塗天路征驂下九衢鐵網宏開珠欲盡此生無



夢作珊瑚

題舒西園觀察相馬圖

觀察會從軍新疆緣事罷職

國家拓地安西開流沙萬里天馬來玉關雲屯塞槽櫪龍鬣鳳臆  
無凡材河湟使者愛神駿歲歲監牧龍沙堆蘭筋玉骨不偶世拭  
眼一顧空驚駭惜哉霜蹄竟顛蹶日暮失主嘶鳴哀尋常芻秣不  
肯食夢想金鼓騰黃埃憶昔追風戰沙漠浴鐵怒蹴金城頽莎車  
犁穴大宛破縱轡直到崑崙隈近聞單于議南牧

天子下詔求龍媒奔蹏千里足致用尾鬣指顧生風雷天閑寶絡  
要逸足騏驥豈久淪蒿萊嗚呼王良伯樂眼中有披圖一笑傾金  
壘

柏臺集

卷上

二

鄧獻之郎中惠酒

奇石軒中花正開高陽酒徒蹋臂來狂吞拇戰鯨吸海一笑瀉盡  
千金壘藏鈎射覆聞清興那計春醪瓶已罄百錢一斗沽未回恰  
喜白衣來遠徑青絲繩繫赤玉壺瓊波照眼淵噴珠冰龍膽浸明  
月湖玉盤露滴銀芙蓉蔗甘筍苦味有餘柑黃橘綠香不如持勸  
座客大笑呼重申觴政解複襦燭花亂迸光燉鬚醉膽磊落情懽  
娛不惜尊前玉山倒只恨座上車公無

送范鶴生郎中觀察江西

黃鵠志千里一舉窺圓方斤鷄跼籓籬安得凌風翔夫君金閨彥  
十載潛爲郎朝視龍墀草夕含雞舌香青雲豈不貴白髮行自傷

一朝改繡服旌施何飛揚樓船下彭蠡鼓角巡巖疆男兒重守邊  
何爲滯廟廊

豐城耀神鉞豫章富奇木駕言賦駢征采采向巖谷征鴻海上來  
濯羽潯江曲長揖匡廬君雲中騎白鹿息壤尋舊盟元都眷前躅  
躍靈遊若馳華胥夢重續定有籃輿迎柴桑酒初熟

昔我銜簡書驅車渡汾水雙星照輜軒累月陪冠履燕雀隨鳳凰  
鰓鯢逐龍鯉携手上太行四顧悲風起秋草厖祁宮寒雲晉陽壘  
戴廣唐風篇唱喁有同旨平生牙曠傳一別情何已

帝城二三月楊柳春風和落花滿征蓋芳草生離珂出門見大野  
千里浮雲多仰視燕山鴻俯濯易水波迷茫隔宮樹日暮傷如何  
柏臺集  
卷上  
三  
離亭奏玉管相勸金叵羅後會知何時得共嘯且歌人生矢金石  
在遠無山河努力樹嘉猷述職當來過

法源寺同鄧獻之看牡丹

古寺圍修竹禪房曲徑幽鳥迎新醉眼花近老夫頭戰骨隨苔沒  
寺爲遼埋 塵心逐水流茫茫今古事付與暮鐘收

贈劉壽銘孝廉

相逢如夢寐回首重欷歔識面風塵際驚魂劍鏃餘  
壽銘自賊中逃至山砦余 見之時年  
十六七矣 長安花信早老大鬚毛疏莫惜尊前醉浮雲世事虛

送左笏卿庶常歸里爲太夫人壽

玉堂夢醒風搖鈴掉頭歸奏蘭陔笙三都增嘒好賦手再拜捧觴

千萬壽藤輿六尺春綵鮮慈烏聲樂髮墮顛眼看書錦喜兒貴御  
憶篝燈翦鬢年

次韻答蕭向村見寄時參劉幹臣提督軍幕

投筆新從定遠侯觀天同抱杞人憂鯨翻島嶼波千里蜃幻樓臺  
水一漚賈傅上書匡漢室孤釐恤緯念宗周由來帷幄參高畫藜  
藿休啗肉食謀

送湯召甫下第赴隨州學博任

幾度緇塵化素衣一朝臨水送將歸鄭虔學隸官偏冷劉向傳經  
願不違古暑春風蝴蝶舞寒江暮雨鷓鴣飛漢東此去梁滢在日  
日行吟對落暉

柏臺集

卷上

四

六月初到臺中作

豸服趨華省驄騶避錦韉敢隨立仗馬須免辱臺錢柏肅炎天雪  
烏啼禁院煙雲屏難隔座

初入臺例有筵宴時孔玉  
雙師掌浙江道亦在座

俯仰意兢兢

劉醉白從軍至山海關以書見寄賦此答之

昨得劉宏一紙書開緘回首意何如雲山十載人離久木葉三邊  
雁到初霜冷嚴關屯虎豹浪高番舶鬪龍魚期君幕府能高嘯海  
色澄清萬里餘

送龍仁甫吏部還奉新

有序

仁甫官銓曹十餘年清靜寡營衡綜有序蜚聲銅龍之暑避  
世金馬之門迺鑿止水以盥心思故山而戢翼作遂初之賦

廣招隱之詩誦其詞者怒焉傷之

仁甫有留別詩四首

夫角巾東第羊

祜戒滿之言採蕨南山顧榮明防之慮今以潛郎歎老聳叟

思閒謝執戟於明光誓挂冠於神武侶潯陽之三隱嗣孫昉

廿之四休雖曰頤情能無悵別自笑狂如太白羨賀監之乞鏡

湖轉慙才乏昌黎送李愿以歸盤谷云爾

萬化各有分達人返其初張翰戀故鄉班生思舊廬秋風振寒籜  
飄散依根林越鳥望南巢刷羽中林趨煌煌攀龍傑冠蓋遊上都  
藤陰覆卸砌坐嘯懷良圖靜愛清露泣仰觀白日徂一朝悟止足  
遺榮棄簪裾龍螭有伸屈完璞無瑕瑜平生少游言勇踐良不誣  
落葉下驚颺彭蠡秋風早粟里有田園村煙熟秔稻廿載事郎潛  
柏臺集

卷上

五

十畝委蓬葆去時髮未華歸來孫可抱徑松健猶存階苔荒不掃  
閉關謝人事文史恣探討朝看廬阜雲夕拾龍溪草永脫塵網羈  
逍遙以終老

猛虎臥深山藜藿不敢采四國視睢盱貴我有人在文侯禮于木  
秦師走且駭漢廷留汲黯淮南謀頓改鳩媒毒方燭鳳凰恐受紿  
大厦支眾材明廷求茂宰尸素信可羞肥遯豈無悔奈何還山雲  
甘此韜光彩贈子繞朝鞭寸心耿千載

天甯寺同潘儒初李蕤客袁爽秋三農部鄧鐵香侍御許宣

平太史陳雲舫員外送鄧獻之郎中歸里

前年驅馬太行道犂确千車蹶秋草艱難轉粟上青天面皺風乾

頭髮皓去年襖被來 帝鄉趨班畫省朝  
含香蟬鳴葉落院宇靜 苦吟日繞千迴廊  
長安少年尙遊俠 弄狗嘲花鬪輕捷  
唯君結交喜老蒼  
古幹叢中揀冰葉 相逢把酒城南樓  
悲風四起愁復愁 西山作雲癡蛇尾  
例吸海水傾神州 攫珠噴霧弄狡獪  
奮髯拔劍斬復休 時無飲飛破浪手  
狂鯨掣斷珊瑚鉤 哀歌擊筑感未已  
夢想湘蘭與沅芷 赤壁柯山舊釣游  
欲拂征衣浣秋水 廿載離鄉一日歸  
兒童長大舊交稀 門臨泉水猶千疊  
手種松杉已十圍 燕山八月秋風早  
古寺開尊撲棗棗離心 南國雁初飛  
客思郵亭葉不掃 我亦思家兩鬢摧  
羨君歸去望君來 時危搢拄須梁木  
莫向寒巖老此材

柏臺集

卷上

六

南湖采荷曲再贈獻之郎中

有序

出寺日已下春同鄧子至 南河泡觀荷乘小舟  
歷花深處擢歌而返 古詩云涉江采芙蓉  
蘭澤多芳草 采之欲遺誰 所思在遠道  
王子孝鳳旣畫蘭爲贈 余亦賦采蓮曲 同此繾綣云爾

南湖秋水明如鏡 風動蘋香荷萬柄  
露珠涼透藕絲裳 翠蓋紅妝澹相映  
蓮舟一葉雲作篷 棹入綠波魚影中  
采蓮願識蓮心苦 雨雨風風長憶儂

犬吠行

待漏之夕纔假寐 輒爲犬驚將呼家人逐之  
繼思犬食人食吠其職耳人何惡焉 作犬吠行以自警



夜如何其夜未闌明朝封事心旌懸信犬吠攬清夢寒聲夜靜  
時一喧家人念我不得卧執梃逐犬罵且唾我急搖手戒勿嗔犬  
職守夜豈犬過吁嗟犬知衛主遑知他犬猶如此人奈何

辛巳

照鏡見白髮

壯志不知老對花頻舉杯花開無限好白髮鏡中來

陳星垣郡佐贈唐昭陵全碑

龍飛晉水真人來虬髯按劍生風雷凌煙功臣盡虎氣瀛洲學士  
無駑材鼎湖攀弓上天去衣冠灰滅昭陵樹玉魚零落散人間  
鳳穹窿帶邱墓苔皴林立文模糊字體參髯窺歐虞快劍斫翻青  
柏臺集

卷上

七

玉案鐵鉤敲斷紅珊瑚陳侯貽我勝佩玖金薤琳琅擊在手颯然  
石馬戰悲風真氣瀾漫驚戶牖勸君學劍似學書草檄未可招單  
于願假十萬行匈奴尺組長繫賢王願君不見頡利成禽渭橋謁  
煌煌屋杜功非誣嗚呼房杜今豈無

庭前花開

家遠書難到尊空客不來東風猶有信歲歲報花開

四月十日同吳鑑唐農部張仲模侍講翼省吾主政黃小魯  
郎中李香陔員外屠梅君太史關季華孔目袞飲極樂寺遇

雨

古寺重來又一年烏啼春去興依然海棠污地紅成雪蕉葉連雲

線到天雨裏，經聲飛野竹。酒閒杯影落，清泉城鐘忽。撼遊人散歸馬，衝泥入暮煙。

題十二石山人畫蘭遺卷

扁舟夜泛珠江月，涼露流空映華髮。澹然瓊佩藐姑仙，一縷幽香冰沁骨。竊支如火枕椰陰，中有幽人橫玉琴。素心相對靜如此，光風細轉生蘿襟。先生妙契離騷旨，寫此葳蕤花數葉。鄉心觸我洞庭南，湘浦秋風動芳芷。我生不到羊城西，夢繞仙人白石樓。謝庭種罷騎鯨去，一幅生綃萬古秋。

送韋伯謙同年出守河間

天街小雨花氣酣，君居巷北我巷南。雲龍咫尺不相見，千里一別

柏臺集

卷上

八

情何。人生失意五馬貴，坐領專城真得地。虎符鹿轂天上來，人見東宮擁千騎。車聲班班入河間，休誇姪女工數錢。彈弦躡屣洗妖俗，隱隱織杼鳴村煙。君不聞龍圖包老面，如鐵百萬官錢惜膏血。又不聞稻田浸灌子，貢陂開渠鑿石桑麻滋。春雷鞭草起羣蟄，甘雨隨車滿郊邑。卧治君莫薄淮陽毛，壘董村在邦域。長安六月風卷沙，酒瓶磊落冰壓車。送人作郡山鬼笑，不覺醉眼如飛霞。僕御楊鞭踏塵去，一曲驅歌天欲曙。何日柳公雲體書飛到五雲最深處。

題平子貞大令病中感懷詩後

客裏閒愁病裏身，誦君詩句淚沾巾。秋風撼樹聲多少，捧檄毛生

獨有親

酬方仲舫司馬軍中早秋見懷之作

秋到榆關早蒼茫客思寬風高金柝靜霜重鐵衣寒虎帳談兵易  
龍沙轉餉難十年投筆志相憶路漫漫

送曹子千舍人歸里題行卷後

相逢又是早鴻天把酒臨歧意惘然鄉思蒼茫吳市月秋心寥落  
薊門煙景宗壯志吟笳鼓子建才名賦洛川歸去松江鱸膾美愧  
無持贈繞朝鞭

代題平景孫觀察棟山樵隱圖

白雲破澗林飛瀑好鳥幽崖鳴古木三間老屋背秋陰山色湖光  
柏臺集

卷上

九

相向綠先生何年來卜居門前紅樹圍清渠仙人采樵暮歸去溪  
風送艇霜侵裾稽山深處元猿嘯醉攬松蘿明月照一曲亭前唱  
采蓴七里灘中見垂釣憶昔檐幃駐九江江頭陪泛木蘭艘匡廬  
倒影入盃底落霞片片飛旌幢故鄉鱸膾秋風早自愛名花剡中  
好盤谷歸來李愿閑鏡湖乞得知章老自從寄我長安書夢繞煙  
霞望眼舒願同安石遊山屐莫誤侯芭問字車

寄劉芙裳廣文荊州

十年曾泛渚宮舟楓葉蘆花兩岸秋我去君來風景在月明吹笛  
仲宣樓

遊東嶽寺訪趙文敏所書張天師神道碑

千章古木負檐陰百尺豐碑碧蘚侵惆悵王孫芳草盡隔城鐘動  
五雲深

傅鐵椽明經以詩見寄並屬作九宮山志序依韻答之

珠玉投來快染毫好音兼聽土風操十年壯志修期老一代詩名  
夢得豪春去鄉關湘草碧雲橫天末楚山高相思愧少枚生筆孤  
負秋江八月濤

壬午

題趙子欽伴山圖

曲磴煙蘿蔽綠篁清泉昔石繞回廊葛巾散髮書傭把松子霏霏  
落石床

柏臺集

卷上

十

瀛海高談塵尾餘一編黃石腹中書當年王會圖猶在休說奇肱  
萬里車子欽適談洋務鐵路等事

踏遍燕山十六州短衣潑墨寫清秋薊門煙樹西山雪一幅丹青

足卧游時順天修志聘往各州縣繪圖

純鱸鄉味近如何家在江南黃葉多何日還山隨倦鳥買田陽羨

伴東坡子欽常州人

揮毫曾費掃林泉去歲爲余作龍岡山館圖燕市相逢意黯然同是故山歸未

得龍岡春盡草如煙

范鶴生觀察以六十生日述懷四首見寄次韻奉答

憶從行贈繞朝鞭別酒離亭醉欲顛去國尙思隨仗馬還家不費

買山錢春風彭蠡吟髭老秋月溢陽旅夢懸聞道壯懷猶未減知  
衣怒馬似當年

把劍相逢意氣平十年曾共客幽并孟韓風義兼師友軾轍才名

數弟兄

謂令兄紫  
函主政

燕市高歌依酒肆樊山歸夢繞柴荆祇今勞燕

分飛遠顏色相思落月傾

近聞玉局領東坡坐擁書城萬卷羅

時觀察領  
江西書局

竹漏人間閑歲月

蓬池天上舊

恩波黃雞白日光陰速蒼狗浮雲世事多惟有詩

仙長不老陸機休唱百年歌

五十知非愧未能寸心寥落冷於冰我如倦眼三眠樹君是前身

五戒僧滕閣秋高尊幾醉豐城夜靜劍還騰何時並翼無羈絆萬

柏臺集

卷上

七

里霜天趁早鷹

五日九日同葉恂子學士黃覲虞檢討許石卿傳臚劉曉瀾

鄭芝巖丁桐生姚馨圃四太史陶然亭小集

涼風吹雨過郊局葛帳携朋上古亭北極樓臺天外麗西山雲樹  
座中青車聲穿葦和泉響醉眼看花帶酒醒世事黃梁成一夢鐘  
殘猶聽客談經

五月十日同王介卿觀察吳鑑唐農曹蕭子西銓部陳桂生

中允張仲樸侍講胡岱卿員外陳雲舫黃讓卿李伯質三

侍御李伯輿屠梅君潘芝堂高理臣張書臣余搢珊胡公

度張次珊八太史重集陶然亭

昨朝餘興繞煙蘿又向城南載酒過夢裏鐘魚殘卷在座中裘屐  
故鄉多盧龍關塞燕山樹屠狗功名易水歌莫笑楚僧多感慨郢  
中高唱近如何

六月十七日同劉曉瀾慕慈鶴許石卿姚馨圃丁桐生黃觀

昔讀春明錄繁華一夢看樓空書散盡花落鳥銜殘石色千年古

松陰六月寒池臺遊賞地休鼓雍門彈

送張仲模侍講出守金華

時浙中大水

錢唐江漲西風急赤蛟掉尾水山立三千鐵弩射不同百萬哀鴻  
作魚泣山搖海沸桑田空綠章夜奏明光宮天子憑軒坐歎息

柏臺集

卷上

五

流民圖苦塵 宸衷少府之錢太倉粟 詔書冠蓋如趨風誰其  
良者二千石相與共拯蒼生窮 帝曰欽哉咨汝稻汝侍講輻勤  
且忠浙西是朕股肱郡民飢已飢惟汝同再拜捧書出丹陛青綬  
銀章繫腰底溝中涸鮒笑向天會有隨車甘雨洗燕山秋高新鴈  
來離亭置酒黃金壘滿堂絲竹慘不樂一心憂念東南災送君且  
去休徘徊君不見袁宏扇柱暹紙古賢爲政皆如此政成歸來報

天子

送汪翼雲大令還江西

相逢會幾日揮手意躊躇夜雨中山酒秋風上計車燕關人去後  
彭蠡鴈來初何日滕王閣江天共醉餘

余法啟夢  
游豫章

卷中

八月二十四日星變陳言紀事

月落參斗橫太白搖光芒爛然亘長尾森射角與張史尹辨月齒  
丁鴻論天剛我非甘石儔仰矚心茫茫九魁不可訊五緯違其常  
元化有愆伏人事徵妖祥德言退熒惑尸官宇辰房願持洪範書  
再拜陳天譴

穴鼠壤崇垣木蠹朽高棟頽俗競蠅營苟得一何眾勞人困酒漿  
漆室抱深痛鷹隼奮高秋一擊豈在中癸霍傾太陽笙簧振孤弄  
伏蒲躬匪瘁止輦言是用竊比虞人箴載賡家父誦

壽廣濟劉翁

綠髮方瞳笑口開朱霞白鶴舊丰裁山中桂樹何年隱觀裏桃花

柏臺集

卷上

三

幾度栽服食淮南丹鼎鍊傳經天祿錦函堆祇今腰腳雙藤健日

上東衝醉一回

東衝廣濟山名

送許宣平太史備兵河北

璽書幾日下鑾坡驛路雙旌擁玉珂虎節威聲臨紫塞馬頭秋色  
見黃河冠裳問俗探丸少鼓角巡邊故壘多自古成臯天下險願  
聞籌筆意如何

少年幕府出羣雄垂老京華意氣通地密論交千古在時艱憂國  
兩心同高筵酒冷籬東菊別路秋深塞北鴻他日蘇門舒遠嘯鳳  
城回首暮雲紅

宿心華寺

城隅煙火靜古寺最清幽樓鎖西華月門環北海流苔痕連雨色  
鐘響入霜秋夜久聞清梵依稀夢十洲

監武試作

一到張弓地儒生氣亦豪旗開人影疾鼓急馬蹄高猛氣看長劍  
雄心託寶刀干城當世有試與誦龍韜

武闈卽事

我生不能擁盾割菟摧鴻門又不能如涼州主簿白羽揮三軍縛  
雞無力市人笑只合低頭矮屋日策毛錐動轅門昨夜擂大鼓高  
座傳呼眉色舞彎弓挺劍侍兩傍氣猛腰間插大羽圍場旗曉曉  
霜濕白馬跑空躅雲立棲皮百步蝨貫輪一箭橫穿風勢急萬人  
柏臺集

卷上

十四

拍手大叫呼虎頭壯士免胄趨寶刀輪動憐體泣白光一道天糝  
糊千鈞距石高若山兩手捧立當心看須臾驍勇作狡獪臂轉上  
下如弄丸翹關扛鼎古所貴拔劍倚天生意氣隨何無武也自雄  
願脫儒衫從校尉祀人日夜邊防憂虎賁熊士常陰求眼明見此  
射鵬手快觀鐵網珊瑚搜他年或作老雉卧合肥韋虎軍中愁易  
哉壯士努力當封侯古來貂蟬出兜鍪老夫爲爾懸雙眸

聚奎堂放榜口占

畫角風高夜漏和華堂深處五雲多羽林星燭三霄曜材勇天開

一代科周室虎賁黃鉞誓漢家猛士大風歌從來鼙鼓思飛將喜

有汾陽入網羅

榜首爲郭振清蓋郭子  
子儀以武舉出身也

其詩曰  
是日  
武闈



普濟堂紀 恩詩

每歲冬令內務府發銀帑給貧民棉衣嗣易銀為錢散給或被  
胥吏扣減竊以此項本為貧民棉衣設請

旨發交善堂製作棉衣六千四百餘襲一時鳩形解凍歡感

皇仁小臣躬親其事於是有作

補袞原臣職無衣恤爾單書陳雙闕曉

帝念萬家寒少府頒錢急窮簷扶續歡莫呼黃襖出近日在長安  
十二月二十八日由功德林至普濟堂途中作

春意忽然來荒郊獨溯洄柳含殘雪動梅帶早冰開樹色西山隱  
鄉心朔鴈回殘陽如送客歸馬踏塵埃

柏臺集

卷上

十五

春營營然於世不暇問合與不合  
十二月二十八日由功德林至普濟堂途中作

帝念萬家寒少府頒錢急窮簷扶續歡莫呼黃襖出近日在長安

帝念萬家寒少府頒錢急窮簷扶續歡莫呼黃襖出近日在長安

帝念萬家寒少府頒錢急窮簷扶續歡莫呼黃襖出近日在長安

帝念萬家寒少府頒錢急窮簷扶續歡莫呼黃襖出近日在長安

帝念萬家寒少府頒錢急窮簷扶續歡莫呼黃襖出近日在長安

帝念萬家寒少府頒錢急窮簷扶續歡莫呼黃襖出近日在長安

普濟堂紀 恩詩

龍岡山人古今體詩鈔

卷下

黃門集

洪良品榮右臣

給事黃門之職漢始有之唐宋以來專司封駁舊暑燬於火明  
徙午門左右雍正初改隸都察院余於光緒癸未補授兵科給  
事中甲申六月轉掌戶科出入禁垣晨集午散閒有所作彙成  
一卷凡若干首爲黃門集

癸未

正月十九日過白雲觀

車如流水馬如龍佳節神仙未易逢

是日爲燕九節都人士女  
羣集觀中謂之會神仙

倚西山看殘雪寺門纔打午時鐘

黃門集

卷下

送顧翰臣太史同年出守皖江

聞道狂蛟起蜚雷高林巨壑一時摧黃蒿春滿喬公宅白浪秋高  
皖伯臺井邑流亡猶道路田疇沙磧向汙萊勸君莫薄淮陽守  
理方資作楫才

送湯召甫學博還隨州

斯人信才傑吾道未銷沈豕向燕山路歸依漢水陰烏啼官舍靜  
花落講堂深禮樂諸生在休爲招隱吟

題劉壽銘孝廉揖出園吟草卽送南歸

蚯蚓蛟螭莫漫疑食牛騰虎氣先知長城他日君高築一掃秦家

十萬師

胡叟謂雪彭郎首骨作塵黃壚歎逝淚沾巾長風山社風流散管

領湖山有替人

一鞭殘照下金臺梅雨槐風驛路催料理苦吟身健在桃花開後  
盼重來

寄懷楊性農先生

得書猶未報懷遠每成吟者舊三朝望文章兩地心秋風洞庭闊  
春色武陵深何日乘蘭棹來聽海上琴

憶昔行送蔡吉甫太令還秦中

憶昔與君俱少年河汾門下相隨肩余與大令同以詞賦受知王吉雲先生入泮凌雲

作賦出手貴錦袍奪得馳吟鞭海棠花下痛飲酒把臂一笑春風

黃門集 卷下

二

顯中遭喪亂不相見海角分飛勞與燕我羈京國逐蓬塵君去河  
陽種花縣花開花落幾東風昔時朋少今成翁長安冠蓋鬧如海  
高歌燕市重相逢平生學道不迂闊莞爾牛刀試一割政成報績  
來 帝鄉慰我懷人望天末燕山五月北雁回芭蕉葉大山榴開  
安仁又動西征賦摩詰還歌客舍杯太華峯高仙掌碧函關雞唱  
星馳驛兒童竹馬迎細侯父老齋祠望君夷嗟余聚久忽離羣思  
量舊事如浮雲三徑無資不歸去春天渭樹空懷君安得君家仙  
鳥爪爬背常教顏色好

直廬感事

曉日升天四海霞清光那任片雲遮曾從漢殿攀丹檻又向唐廷

裂白麻屈軼無知猶指佞神羊有角不容邪由來鴛鴦難同阜倚  
柱悲吟兩鬢華

同饒儀亭孝廉夜坐賦贈

官閑無事閉門居喜有朋來掃敝廬紅燭影中看短劍紫藤花下  
校殘書夢回客枕煙鐘定涼沁螢光竹露初一夕高談千古事不  
辭頻剪後園蔬

晚出西臺作

禁裏疏鐘動臺端晝漏長柏陰無雨翠槐蔭未秋涼更散過殘暑  
烏啼送夕陽袖中懷諫草翹首望瑤闈

萬藻卿大令下世近十年矣偶檢敝篋得其所寄古峰詩鈔

黃門集

卷下

三

一卷讀罷愴然感而題後

記從投我白雲篇蛛網塵封又幾年開帙氣騰囊劍底挑燈淚落  
酒尊前青山往事成千古白首交期盡九泉渺渺吟魂招不得芭  
蕉窗外雨連綿

題馮升正比部同年十五蕉館讀書圖

暮天扇影搖空綠倒捲涼颿森一束清陰數尺煙滿庭中有幽人  
住茅屋窗橫卷軸壁掛琴庭前種紙青成林隍中鹿夢復何有四  
時獨抱惟冬心蕭蕭夜雨孤叢滴隱和書聲秋寂慙醉傾三葉甘  
露漿漏永鐘殘燈四壁東華塵土來幾年故山歸夢心常懸畫圖  
一幅追摩詰空向寒池雪裏看

九日遊陶然亭同黃華卿孝廉  
咫尺城南地登臨不覺勞  
馬蹄和葉響雁足帶霜高  
載酒黃花節題襟白社豪  
興闌同徙倚秋色滿林皋

送黃華卿同年歸里

回首題襟各少年相逢老大意  
纏綿雞窗話雨煎茶夜蟹酒吟秋  
醉菊天舊伴淒涼燕市筑歸程  
迢遞潞河船故山十載空榮夢送  
子臨歧倍黯然

冬至日陪祀郊壇作

緹室葭灰動天街夜色殘  
香煙縈樹杪仙樂下雲端  
風雨瑤壇肅星辰玉殿寒  
願書雲物瑞佳氣滿長安

黃門集

卷下

四

出宣武門口號

宣武城南路危牆不可登  
樹翻鴉背雪橋響馬蹄冰  
憂國邊書急離家宦債增  
平生餘壯志短劍氣猶騰

甲申

五臺山雜詠

圭峯幽絕處老幹柯如鐵  
下蟠九地泉上帶太古雪  
圭峯古栢五臺高復高  
陰壑悲風嘯千年冰不消  
六月無陽暉 臺背冰巖

雁門行送胡介卿備兵雁平

君不見雁門關飛沙漲海雪  
壓山山高嶺斷成火赤白日黯  
淡邊風寒代馬嘶羣向衰草  
飢鳥側翅啼旌竿前朝蠻觸  
幾爭戰四時

鼓角常防邊時  
燐息人事改廢  
埃無人但樵采  
隴頭流水日潺  
湲白雲飛去青  
山在高樓日暮  
不聞笳健兒罷  
獵向酒家玉鞭  
換醉買歌舞美  
人一笑顏如花  
昔年乘障烟塵  
地轉跟風花逞  
明媚願將脂黛  
洗蠶桑蟋蟀唐  
風吟古意我昔  
持節橫汾來太  
行上黨何雄哉  
天低日落塞雲  
紫弔古不到單  
于臺飽聞太守  
食雁美西望雄  
關隔雲水甲光  
閃日金鱗開君  
去巡邊駐殘壘  
雁門關前木葉  
稀雁門關外霜  
拂衣聞道尺書  
堪繫足相思只  
盼雁南飛

極樂寺海棠

綠苔繡地溪鳴  
泉林開野曠山  
蒼然一聲幽磬  
破清曉寺門烏  
語春風顛紅霞  
爛爛照禪室青  
松翠竹增春妍  
人間豔質那到  
此朱

黃門集

卷下

幡恐是雲裳仙  
錦裊繡帔脫塵  
俗絳唇頰來人  
天流丹注面態  
殊絕霞漿暈醉  
神連蜷佛妝姣  
媚薄脂粉妖紅  
姘紫皆凡顏乘  
蓮大士笑把袂  
散花天女來參  
禪如何燒燭照  
春睡狂奴香夢  
猶魔纏春陰黯  
黯沙刮面落日  
淡淡城生煙絲  
草奏事自懺悔  
紅妝綺語從今  
刪

張文圃七十

朱雀南方上應  
星赤松舊伴早  
忘形大丹日餌  
青龍鼎吉夢會  
占紫鷺庭仙客  
釣鰲橫壯氣通  
侯食乳閤期齡  
鳴珂故里疑年  
問丙子神堯歲  
幾經

獨遊十刹海觀荷

一望綠成海數莖紅作霞  
酒停名士舫花拂美人車  
浦溼涼風入樓臺落日斜  
餘香吹滿袖歸路已棲鴉

送許石卿同年出守鄖陽五首

燕關八月雁南飛十載離鄉客未歸  
卻喜故園雲樹綠行春五馬有光輝

同住春明十五春紅燈綠酒最情親  
紛紛舊雨飄蓬散燕市高歌復幾人

笛聲吹徹暮雲開空有晴川照眼來  
君到江邊問黃鶴鏡中樓閣劫中灰

黃鶴樓新燬於火

筑水滔滔照古今鄖關西去萬山深  
金城千里資良守卧閣休爲黃門集

卷下

六

上堵吟

紅巖深處闢蠶張錫穴刀耕尙古風  
露冕班春看麥秀竹雞聲裏雨濛濛

次韻答袁次秋農曹同年見贈

海霧漫天障夕暉每思壯士挽忘歸  
毀家巨室忘紆難憂國宗臣苦病痲  
慷慨買生猶隕涕逍遙方朔敢言飢  
只愁燕雀爭堂處欲化蒼鷹繞殿飛

送張炳垣宰廣靈

太行西去萬重山畫角風高雁影還  
匹馬一鞭殘照裏蕭蕭黃葉

紫荆關

飛狐絕塞古雲中代馬嘶羣向晚風試向窮邊問遺俗白雲黃草  
戰場空

少年躍馬萬夫摧老去腰符兩鬢衰日暮城頭看射獵彎弓直過  
李陵臺

別路西風酒共斟離堂絃管思何深相思只有桑乾水流出燕南  
鑑此心

廣陵城郭暮烟青一曲瞳池繞訟庭想像政成吟興健萬山蒼翠  
四圍屏

晉元康輒歌

光緒甲申歲十月既望京師宜南寓舍家人修竈命工於後院

黃門集

卷下

七

掘土得一甌余取視之則晉惠帝元康元年塼也其文云元康

元年太歲在辛亥九日七日番公行造

古番與番通

鉏傷其一角造

字微缺質黝而堅橫一尺厚二寸縱四寸五分字皆隸體搨寄

繆筱珊太史太史曰燕地晉輒絕希可纂入順天金石志矣爰

識其顛末系之以詩

幽垣古木蛇虺叢老苔溜碧陰火紅碎雷破地土龍拆隱隱古篆  
縈青銅蝸涎著手發光怪寶氣煜爛騰長虹鏗然怒擲火星迸漢  
璽缺角蟠螭龍徑長一尺厚二寸一十七字雕文蟲細參款識認  
與午元康建元年號崇蛙鳴不辨座可惜白沙烈烈吹南風二十  
四友塞朝黨潘氏無乃安仁宗當年萬事盡瓦裂區區埏埴留陶



工銅駝見汝在荆棘一轍逃劫埋幽宮興亡閱盡守圭質歲久辭  
雨相磨礧腐儒好古天所械每以瓦礫償詩窮永和舊贊已入匣  
冢藏永和  
萬年塲更遣壁合成雙踪嗚呼滄桑灰劫那可識秦權漢瓦都  
成空薊邱當日亦晉土金石補錄誰爲功集古我思六一翁

乙酉

寄壽鄧獻之郎中七十

我眉仙人奎宿精磯頭一嘯虬龍驚江濤怒湧笛聲裂紫裘筠竹  
筵前橫南飛孤鶴躡雲舞梅花亂落瓊杯傾鴻泥雪爪偶然印至  
今赤壁留芳名後九百年鄧侯出景祐丙子同生日前身香案謫  
蓬萊醉眼江山飛妙筆高巖月出江流東霜清楓老烏啼風颯賓  
黃門集

卷下

八

起舞捧觴立拍手大笑醜顏紅十載京華共樽勺剪燭西窗悵離  
索歸心每負雪堂期羨君早唱還鄉樂青山縹緲白鳥遲中有人  
吟采紫芝努力各享黃髮期老人星照南天陲

送饒儀廷孝廉南歸

白虎觀前論同異舌本瀾翻爭古義狂風吹倒孔壁危夏魄商魂  
齊飲淚證龜成驚變形貌竊鶩更雞炫愚智瓦缶雷鳴鐘虞瘡康  
瓠稱珍周鼎棄滔滔濁流去不返誰遣江河障一簣先生奮起稱  
經師手酌謨觴心早醉剖析遺文入毫髮扶持絕學整銜轡讀書  
如獲珍珠船鬪勝不爭漢趙巖嗟予好古識君晚駑馬空慙逐麒麟  
驥卜鄰相與析疑編載酒時從問奇字東風二月水凍解楊柳青

青送征騎鶯啼有恨惜離羣鱸膾無端動歸思長安人海失知己  
吾道千城重肩寄殷勤寄語故鄉人莫忽邊鄙五經笥

三月二十二日出西直門作

撥盡爐灰睡起遲出門十里聽黃鸝柳棉欲褪梨花老春去城中  
尙未知

同陳桂生學士李香陔員外陳金門比部陳春亭太史萬佩  
珊農曹徐壽鴻郎中拜李文正公墓歸至極樂寺置酒

西涯廢宅委荒煙猶有南冠拜墓田歲歲花時一尊酒海棠如雪  
寺門前

送黃觀虞同年出守甯夏

黃門集

卷下

九

隴水流湯湯隴阪高無極隴頭壯士夜吹笳白日黃塵烽不息河  
西吐番敢豨突北地燒當競蠶食巢狐穴虺絕人煙萬落千村委  
荆棘湘陰丞相人中龍揮戈犁穴摧羣兇河湟旣復酒泉置織皮  
有貢歸堯封十年候火玉關靜鋒鏑遺黎猶弔影黃蒿塞路禾黍  
稀幾見流亡返鄉井我聞靈武地勢強沃野自古田最良寶融懷  
羌鎮隴右崔漪決策與朔方黃河萬里走城下出塞入塞濤聲瀉  
烈風吹地水結橋年年守凍屯兵馬

天子西顧郡股肱虎符鹿轂求賢能潁川黃霸應

詔出餘威

赤棒風稜稜

觀虞時以御  
史巡視北城

八印臺邊一麾守曲唱伊涼惜分手賀

蘭山高牧草肥花馬池深飛雪厚臨歧贈策唯一言隴西民氣傷

彫殘屯田充國有至計倉皇籌箸功未完湘陰鄉人復吾子墾廢  
蘇疲續前軌願將砂礫變膏腴自有芳名竝蘭芷男兒一割重鉛  
刀發軔新硯自茲始

天甯寺塔射山房和日本使臣夏某題韻

塔影橫窗綠樹圍隋家朝市昔人非依稀似聽風鈴語曾見征遼  
萬騎歸

乙酉八月六日奉

命分校京闈口占二首

羣仙携手逐登瀛分校計十八人桂子香飄兩袖輕半生生涯耕筆硯又

逢酉熟卜秋成

余以癸酉典試山右

黃門集

卷下

十

一曲霓裳洗耳聽月華兩地掩重扃舍弟小兒時試南闈邴說衣鉢分明在

可許樨香證祖庭

從祖崑泉公登道光乙酉鄉榜

闈中和前明王衷白先生題壁韻

鎖院簾垂夜漏深畫堂人靜月華臨五雲佳氣來蓬島八月秋風  
動桂林世事雜蟲爭得失文章龍夔感升沈焚香薦士懷前哲休

負青燈十載心

題徐花農太史瑣闈玩月圖

桐陰繚屋啼昏鴉門扃柝靜西風斜涼露霏空桂華濕月光罩地  
霜鋪沙蓬萊仙人眼稜紫手挽天瓢漱寒齒一聲高唱大羅天玉  
宇瓊樓跨空起身騎白鳳橫煙來笑倚姮娥寶鏡臺霧閣雲窗寒

不鎖憑闌一嘯天爲開團團海嶠凌波上漸漸白毫舒萬丈尋常  
一樣玉輪圓到此秋光倍清朗廣寒昨夜羣靈趨驪龍捧出雙明  
珠千人拍手攫不得羨君網得青珊瑚畫圖點作霓裳譜金粟前  
身疇與伍朽株樗櫟愧難裁欲向吳剛借雙斧

闡中潘伯寅尙書師賜癸奉謝四首

公膳雙雞出大官持螯更佐酒盃寬一筐伸屈將糖驟應遣門生  
議食單

試院茶聲蠓眼遲閉門霜重曉寒滋一尊分得團臍味忽憶江鄉  
橘綠時

八足螭蜺夢裏仙文章橫世幾人傳讀箋爾雅蟲魚熟休誤荀卿

黃門集

卷下

七

勸學篇

腹裏雌黃費品評輸芒執穗舊忠誠焦桐入聽知音在一曲爬沙

大蟹行

大蟹行  
琴曲名

翁叔平尙書以棘闈校士圖索題卽次原韻

畫簾銀燭照華堂列座珊瑚架筆牀記得昔年辛苦地秋風七度

踏槐黃

品自道光甲辰秋試至  
同治甲子始膺鄉薦

鳳簾凌霄律呂聞龍孫接葉拂青雲祖庭共演傳鐙錄喜見曹溪

一派分

令姪孫叟夫太  
史時與分校

記傳

天語墨初乾一疏艱難出諫官

壬午八月上書言事尙書  
奉旨詢問始獲識顏

今日叨

陪荀座暖九天霜露不知寒

闈中得一卷經策淹貫決爲宿學揭曉得四川楊銳尊經書院知名士也口占誌幸

高文典冊薦揚雄喜似相如出蜀中翹首天衢雲路近吹噓一賦是河東

題梁檀園師喬梓京兆圖

君不見公廳種柳劉丹陽孫枝挺秀扶明堂旁人尙指尹時樹高風累葉傳芬芳又不見東都留守裴士明五世堂堂來尹京視事未嘗當正處輦轂小兒知姓名羅浮山高孕靈傑瀨固家風挺邦哲玉堂老鳳最先鳴五采靈雛隨奮舌使星初照滇楚閒量才玉

黃門集

卷下

十一

尺相後光

矩亭太夫子視學  
湘湖師視學滇南棠陰奕世傳治譜

帝錫銅符還接武憶昔鯉對庭前趨著書七序懲貪污柱下祥徵占栗擲壘中吉語聽兒呼銀章照眼神飛舞屏息豪強靜桴鼓前尹赫赫後熙熙兩世清名冠三輔君家彥昌守開封詔揭廳壁書勳庸縉紳盛事今罕逢嗚呼縉紳盛事豈罕逢今之畫圖無乃同

方芟塘侍御同年邀同葉昇初胡信舫兩給諫趙次山侍御

良夢臣同年集永光寺西宅賞菊

一到秋香室繁花照眼明狂吟宜插帽小醉欲餐英驄馬嘶殘檻霜鴉噪晚晴寺樓鐘已動歸路野風輕

宣和兕觥歌

芟塘席間出角尊注酒勸客尊底嵌宣和御製四字余曰此兕觥也紀之以詩

菊花爲山酒爲海坐中佳客荆高在主人愛客方干孫飲酒看花  
學霜鬢手擎一角何崢嶸黑章赤質玉色瑩宣和款識篆文細酥  
然照眼眉神驚寶文閣下含香侍玉如手酌君王賜渡河蒼兕金  
風來青衣行酒豪會醉五國城中朔風吼雪片漫天大如手孤臣  
飲淚望冰天誰與稱觥賡聖壽嗚呼虎兕出柙誰之愆酒醴麴蘖  
無英賢宮車不返壯士死黃龍痛飲知何年良嶽雲荒朝市變千  
古興亡如逝電寶器猶傳博古圖遺尊欲鑄豐侯面酒酣主人屬  
我歌古來恨事茫茫多看花飲酒且娛樂今者不醉當如何

黃門集

卷下

七

題董東山畫

落日高林石氣青亂山深處白雲扃徑堆黃葉茅堂掩中有幽人  
讀道經

疎林遠樹澹烟閒山石濃皴翠蘚斑試向丹青尋法乳南唐北苑  
有秋山 董源有秋山圖

丙戌

題王麓臺山水

樓臺明滅帶斜暉一棹中流望翠微行到前林溪路斷四山蒼翠  
忽沾衣

湘鄉貞婦成鍾氏詩

陽湖吳翊寅徵貞婦詩啓云貞婦字淑娥湘鄉鐘魯齋通守之  
第三女而成粹呂太守嗣君又民之聘室也令姿淑質習禮明  
詩季蘭有齋自賁无咎志行殊邈通守異之洎乎三族無虞百  
兩將迓而虬鴛促召蜺弗遽嬰匪耗驚傳魂駭絕遂乃毀容  
自矢癡服請行出青廬而洗妝登素車而屑涕太守嘉其立志  
以禮迎歸爲立嗣賢慰茲苦節余聞其略爲賦此詩

湘夫人從舜死鍾夫人明婦禮湘江之水清見底有成鍾氏生於  
此習禮敦詩嫻女史生長深閨不出房聞身將嫁心暗傷裁衣午  
夜整刀尺忽然燈闌昏無光沙飛壁動鬼叫嘯人影植立形迷茫  
天明日高髮懶梳傳來噩耗驚啼呼毀粧著衣辭父母死願同穴

黃門集

卷下

十四

誓不渝入門拜姑姑悲喜無兒有婦兒有子夷齊不仕守西山顧  
母旌閭式鄉里顧亭林先生之母本明貞女以三吳奇節被旌洞庭山高連九嶷鷓鴣啼  
斷斑竹垂千年血淚永不滅君不見女貞一木還連枝

周伯晉太史索題游琴臺圖卷

不識琴中趣難忘江上臺雲山鄉夢隔圖畫客愁開樹隱天光合  
江空野色來無因浮漢水繫艇一銜杯

伏日至國子監坐饒儀亭孝廉齋中

曲沼環流水宮牆碧草滋檜陰風動後梨影日斜時訪碣孤筇健  
談經兩鬢絲城南塵事隔不覺暑潛移

晉太寺聽小癡上人彈琴時將歸漢陽

梧桐欲老天未秋  
綠雲滿地繁陰稠  
忽然枝底鳳凰叫  
商音蕭颯風颼颼  
徐聞乃自焦木出  
不在樹間在幽室  
中有一人華陽巾氣  
肅神和態飄逸  
十指拂拂著手彈  
龍潭雨過鳴清泉  
泉聲幽咽冷欲絕  
佛堂晝靜生秋寒  
羣龍怒起枯木折  
葦隨風戰蕭瑟  
曲終天地轉清明  
仰視浮雲空一白  
京華塵海車馬喧  
火雲爍空飢腸乾  
冷然冰雪入肺腑  
始信功用由毛絃  
師乎師乎筆琵琶  
俗耳那知趣勸爾  
歸向伯牙臺上去

出齊化門作

出郭槐蟬尙寂寥  
野煙橫翠不堪描  
忽然一夜西山雨  
無數溪流漲板橋

黃門集

卷下

五

秋夜讀鄧獻之郎中錢季貞學博游黃州東門見憶之作感而有懷卻寄

別來歲序水波流  
老去情懷憶舊游  
夢醒燈殘人不見  
滿庭黃葉雨聲秋

日月東門載酒狂  
山頭怪石壓詩囊  
離人獨詠坡仙句  
祇有歸心負雪堂

烏哺雛詞爲張節母李太孺人作

太孺人爲張太史嘉祿之母

肅肅庭前樹上棲  
雙老烏顛風鬻危巢  
雄去雌哀呼哀呼一何苦  
憫茲待哺雛雛飢  
飼汝食雛病翼汝癯  
汝翼尙未長予手日拮据  
天寒手凍僵鬻子力已劬  
望汝眼流血毛羽日以舒  
一朝化鳳凰



高飛凌雲衢樹靜風不息景邁無須臾眾鳥皆有託嗟我生何孤  
盈盈太倉粟粒粒如明珠孤雛飽欲死返哺我則無落葉下流水  
不得還根株海枯石可爛此恨徒區區

丁亥

同移居官菜園

性本甘蔬食移家傍菜園地幽喬木合春至百花繁煮酒招賓戲  
開林納鳥言天涯皆傳舍回首舊籬樊

平韻偶成

不覺光陰換朱顏鏡裏非眼看兒女大心惻舊交稀囊橐唯書在  
家山只夢歸小園堪破悶無語立斜暉

黃門集

卷下

六

三月二十七日向斗山茂才置酒晉太寺余携猷中述三兒  
暨孫國壽偕往黃華卿亦至

斗酒勞君貺相携到寺門鳥聲驚客展花氣益春尊懋靜無車馬  
追歡有子孫興狂猶未盡鐘已報黃昏

過東陞堂感舊

同治戊辰三月余應禮部試未放榜前與盧韻珊徐朗如陳金

門童荇農陳珉林汪寶臣黃鑑三八人會飲於東陞堂約有報  
捷者則出貲謂之喫夢登第爲主人下第爲客及入席則主位

已滿惟留客位首座次座余與珉林居之迨揭曉而余與珉林  
獲隽亦一奇也迄今二十餘年矣韻珊荇農珉林寶臣鑑三五

君皆下世唯余與金門朗如存耳頃過此堂追憶舊事感而有  
作  
狎座爭賓主回頭二十年徵歌楊柳曲買醉杏花天故友皆黃土  
浮名總逝川黃梁真一夢何必問神仙

古歌行爲李恭人三翦股作

李恭人者德清傳懋元雲龍郎中之室也懋元病三次瀕危恭

人三翦股肉和湯以進病頓瘳懋元述其事爲三翦股詞余賦

此題其後云

紅蕖覆芳沼中有雙鴛鴦交頸共棲宿形影相頽頽雌翼任憔悴  
雄鳴日高翔娟娟李氏女作嬪尙書郎郎病一何苦沈綿入膏肓

黃門集

卷下

七

舌焦齒流血奄息卧在牀羣醫束手去四顧心徬徨閉門袒右背  
跪地持焚香喃喃語且祝精誠達穹蒼頃刻斗室中眾仙集鸞鳳  
昌容捧紫草玉女擎神漿麻姑授靈符江妃解佩璫化爲一片肉  
沸沸投煎湯陰風撼四壁刀影搖燈光卷袖血痕濕淋漓滿衣裳  
啖郎郎不知病愈情迷茫室口自諱飾露肘窺癩瘡再三苦致詢  
迺始道其詳剝膚豈不痛卿何自毀傷歛衽前致辭耶危妾豈康  
妾身託君體妾肉君得嘗逾年再三病妾治唯一方一割肌孔裂  
再割筋勞張三割不澀縮神力相扶將妾如園中韭頻翦莖愈長  
君如巖下松經凍根益強願君共相守百歲無災殃妾身何足惜  
君痊痛則忘髮膚受父母孱弱敢自戕至性所激追茹刃如飴餠

男兒重燕私，歡笑羅姬美。一朝遭險難，始信結髮良。寄語富貴人，慎勿棄糟糠。

題山水畫冊和陳雲舫鴻臚絕筆詩八首

鴻臚病中於厥肆購山水畫一冊，不知何人筆，愛其工妙，倚枕玩之，各題一絕句於上。蓋絕筆也。薨後其嗣少雲戎曹以冊示余，余與鴻臚平生唱和甚歡，情烏能已。爰各綴一首於後，書以歸之。

數間茅屋萬山重，中有幽人對古松。飛瀑不知何處響，白雲遮斷隔林峰。

柴門對語立斜陽，兩岸人家盡綠楊。昨夜前山微雨過，小橋新漲

黃門集

卷下

六

潑溪光

湖上山光映綠簷，年年結伴狎煙波。收帆誰向前林去，獨自中流

鼓枻歌

流水響環綠竹低，茅齋坐對遠山齊。忽聞鐘動樵歸唱，拄杖橋頭

日又西

綠樹圍村花覆廬，溪橋亂石漱清渠。投竿始信幽人樂，流水聲中

坐釣魚

石磴盤雲野屋連，一峯斜日萬松煙。板橋踏去微霜滑，認是騎驢

孟浩然

隔岸山青漾碧漪，空林霜倒出枯枝。扁舟一棹潮聲急，木落寒江

暮雨時

亂峯高下雪糝糊凍合林巒玉不如繞屋梅花三百樹白雲深處是吾廬

題雲舫所藏陳洪綬西園雅集圖

并序

雲舫鴻臚病中以陳洪綬西園雅集圖索題繪法精妙鴻臚自跋數百言詞亦工余愛玩之未幾鴻臚没少雲戎曹持圖來責前諾憶與鴻臚登臨文讌朝夕追從情景依稀斯人不再隻雞之誓隣笛之悲臨穎嗚咽不知所云

昔年索句陳無已示我西園雅集圖畫裏歡情閑歲月坐中豪士古眉鬚東華塵土游蹤杳北苑烟雲過眼無題罷新詩轉惆悵竹

黃門集

卷下

五

林回首隔黃鑑

送饒儀廷孝廉游蜀幕

客游十載鬢毛斑邱舍談經日往還忽逐使星占益部何時夜雨話巴山郵亭花發離尊底劍閣雲橫驛路間珍重臨歧還惜別一枝楊柳爲君攀

題徐花農太史竹樹畫扇爲吳星樓同年作

家在桃柳嶺外村荔支紅熟海雲昏鄉心忽作羅浮夢竹樹蕭疏靜掩門

枯木杈枒疏竹妍

蘇東坡有枯木疏竹圖

東坡遺墨掃雲煙誰知没骨名花

外更有徐熙妙筆傳

讀明人碧血錄感作

灑盡長宏血，猶然抗疏爭。一心扶社稷，萬古表忠貞。仗馬何曾斥，林蟬總不鳴。江河嗟日下，憂國淚縱橫。

恩叔涵侍御以素箴索書題句贈之

三輔爭探赤白丸，幾人彈治惠文冠。繡衣公子能持斧，抗疏龍墀

賊膽寒。

近奏參司官疏防盜賊

豪氣元龍百尺樓，畫簾鎮日共勾留。長鯨吸海千觴醉，記向花前

數酒籌。

去歲會飲於樂椿花壘

愧無六角右軍書，八法生疏誚墨豬。但祝清風生兩袖，眾香團扇

綠陰餘。

黃門集

卷下

三

過象坊橋

露咽涼蟬亂樹鳴，綠陰微減雨初晴。斷橋深處行人少，一角西山

洗眼明。

中秋同周伯晉太史怡廷孝廉游城南分賦三首

陶然亭

秋來風物最關情，落日江亭望眼明。荒草煙深鸚鵡冢，遠鐘雲暗鳳凰城。悲歌天地英雄老，迢遞關山斷雁征。古往今來多感慨，不如歸去酒同傾。

黑密廠

桂館裴廉築久停，前朝遺蹟尙郊扃。篆留鴛瓦苔紋綠，土帶龍潭

雨氣腥北海晴波遼塔白西山煙樹薊門青登高極目生秋思蘆  
荻蕭蕭滿古汀

### 龍泉寺

蕭然落葉點寒林路指祇園緩步尋野徑鐘聲迎客靜禪房秋色  
閉門深蒼苔古碣磨殘劫綠竹清泉悟道心老衲相逢重一笑看

花猶記踏春陰

三月來寺  
看海棠

園菊盛開小女偶賦雜詠四首輒廣其意爲十二首

昨得家中信于今徑未荒故園秋色好誰與作重陽

憶菊

百卉開都盡園空亦可憐疏籬須點綴何惜費金錢

買菊

昨向鄰家乞移來滿畫闌西風吹瘦影倩汝伴霜寒

栽菊

### 黃門集

#### 卷下

#### 三

養得靈根活秋香自倍妍霜風乾不折猶幸傍清泉

灌菊

報道花開了安排舉一觴晚香真可愛不爲醉重陽

賞菊

素手擎寒露疏簾卷畫樓膽瓶供亦好分得一枝秋

折菊

欲訂黃花譜幽人頗費思孤高難位置祇有素心知

評菊

歎汝秋容老何時守故園可憐如我瘦相對淡無言

問菊

每誦樊川句花須插滿頭正宜雙鬢老莫道鏡中羞

簪菊

霜逼殘英落香從細嚼滋欲知秋味永酒醒夢殘時

餐菊

自入淵明詠無人續此詩勸君休擱筆今古一東籬

吟菊

秋色佳如許煩君妙手揮數叢容易掃添箇蝶兒飛

畫菊

### 九日同余檀珊太史游天甯寺

蕭條黃葉下林間古樹寒鴉自往還一杵鐘聲飛渡水遠迎人看

菊花山 寺內種菊盛開都人謂之菊花山

燕遼遺蹟委烟皋野寺人來歎二毛終古興亡如逝水祇餘飛塔

切雲高

崇效寺口占題拙菴和尚青松紅杏卷

國朝諸老風流甚 卷首為王吳盧尚書王漁洋朱竹垞查初白趙秋谷所題 紅杏青松寶卷題

二百年來人事歇丁香花發畫欄西 西院有丁香花為漁洋竹垞手植翁覃溪有記

同楷珊登慈仁寺毗盧閣

十年前到毗盧閣 王申來此登高今閣已廢 四顧河山望眼迷廢院草荒狐兔

竄高臺雲散暮烏棲長松百尺聽殘鐘古碣千年認舊題俯仰滄

黃門集

卷下

三

桑成一瞬晚鐘送客夕陽西

都中種菊各署名號周伯晉養菊數盆不為立名賦詩解嘲

屬和卻寄

五柳先生詩格高自書甲子不署陶嗒然據梧喪其偶興來采菊

隨所遭菊亦與人意同澹霜作心肝冰作膽翦徑初飛老圃英捲

簾不受西風撼生來孤冷無春容下視蘭艾羞與同如何豹隱自

韜彩呼牛呼馬聲為龔世間俗眼例如此橘頌椒銘徒溢美強比

楊妃寵亦污 菊有名醉楊妃者 何況芳名呼作婢不如名字都兩忘稜稜

傲骨晚節芳是花是我兩不辨朝朝相伴醉一場我是主人花是

客但對先生頌酒德花是主人我是賓願同皇古稱逸民嗚呼日

費金錢買秋菊誰解品題差免俗知此意者周茂叔

招周少璞孝廉賞菊未至蒙以詩贈次韻答之

霜螿初熟酒堪持橘綠橙黃雁到時欲得周郎來顧曲抱琴無語  
立花枝

菊簇寒窗竹壓垣金尊欲灑夕陽溫座中不有車公樂擁篲徒虛

左席尊

賦  
夢至一處題詩六句醒足成之

記得城南小苑東滿山樓閣曲闌通神仙洞府高歌裏文藻山川  
放眼塵世百年如畫燭老懷萬事盡飄蓬黃梁一覺都陳迹睡  
起雞啼曉日紅

黃門集

卷下

三

得許孝升中翰張次常大令書未報有懷

唐家許渾吟千首漢代張衡賦四愁分手京華尊酒別關心遠道  
尺書投寒烏落日江東樹旅雁西風塞北樓水遠天長徒悵望不  
知何處解吳鉤

課女

玉漏燈殘繡閣閒小詩隨俗未全刪正如花下教鸚鵡學得人言

亦解顏

責貓

鼠鬧花箱齧繡痕猶奴貪睡錦茵溫一心莫想魚腥味冷飯殘羹  
亦主恩



恩雨山都統澤 狂和菊花十二詠兼餽此雉魚鴨四種賦此

寄謝

秋來吟興共黃華寄到燕山歲鼓撾同是天涯羈宦感不知鄉國  
又梅花 來詩有重陽未識花還在不到龍山十七年之句

凍鳴水魚出饌肥鹿羣狂竄雉驚飛一天風雪狼山冷想見將軍  
夜打圍

惠臣公侍姬劉氏蜀人隨公宦粵公病劉割股和藥以進公

死劉哀毀不欲生舟行至湖口縣之姑塘卒仁山叔書來  
索詩爲賦一首

剝肉終無補呼天竟不聞眞成妾薄命唯誓死隨君淚灑湘江竹

黃門集

卷下

十四

魂歸楚塞雲姑塘千尺水流恨日云云

清泉王貞女詩

衡山高崔巍湘水縈帶之上有太古雪凝冰長不斷中產五色鸞  
線爲寡女絲絲成未作絃柱促聲轉哀清泉有女士窈窕光容儀  
雙玉刻名字蘭叢駢亞枝阿父爲繡衣身領霜臺司阿叔尙書郎  
趨班白玉墀阿姊嫁高門鸞鳳雙雙棲女幼倚阿母阿母爲女師  
九歲教識字口誦女誠詞十三學刺繡十四弄杼機十五習書計  
十六諸史披史中志節烈一讀一涕洟見者大驚詎謂女何嗟咨  
女亦無嗟咨天動神爲馳阿爹愛女慧慰情勝男兒蓄念慎擇對  
相攸覘所宜有士仲華孫生在湘江湄家居屬桑梓令才無匹儕

邂逅聞女賢殷懃託良媒女蘿附松柏一諾迴鼎彝納采筮辰良  
陳幣盈瑤階盤龍白玉鏡鳳頭九子釵繪綵一百匹金環連縷垂  
環以結不解縷以繫相思采幣雖已陳御輪待後期峩峩五羊城  
遠在天南陲啓館作貳室書聲聞繡闥堂堂子南夫適願心無違  
冰泮會有日卜吉將結褵罡風吹庭蘭郎體日以腴咯血殷牀席  
嶺嶠無良醫芝朮不可求故里言旋歸歸去無消息中心憂且疑  
一夜夢郎來顏色劇慘悽含淚似訣別隱隱語可推來世作夫婦  
今生從此辭驚呼魂已逝燈動風淒淒起來訊阿母阿母佯不知  
婢媪語切切噩耗真如斯乍聞心膽裂呼天大悲啼鄰媪盡奔集  
喧雜聲嗚咿媪老不解事語女年纔笄汝門正鼎赫汝又多能才

黃門集

卷下

五

問名尋踵至何愁嫁處爲女聞怒且咄我心匪汝窺裊裊連繫縷  
縷絕無續時團團雙金環環碎不可追我身如畫燭我命如赫蹏  
譬彼共命鳥雄去鳴徒羈雙飛誓入地金石終不移回身自扇戶  
委蛻留我尸青絲雙羅帶高挂梁間榱一家走倉皇持斧破其扉  
解帶氣僅屬不絕如縷縻阿孃泣語女汝何情太癡養汝二十年  
顧復勤以慈我老又多病朝夕恃汝怡再拜跪母前女匪忍母離  
十三學刺繡十四弄杼機十五習書計十六諸史披此身一許人  
大義難再乖母言從爾志我女鄧氏妻存沒兩無負何必性命裁  
女起答唯唯母言女敢非但願承母顏終身自稱養洗我慵來妝  
鉛粉不復施解我靈蟬髻喪鬢遵昔規脫我紅羅裳著我麻雪衣

棄我黛螺管毀我柳葉眉朝朝伴母宿夜夜聞烏啼烏雛返哺母  
母命相扶持南山有貞木經霜葉不萎東海有冤禽銜石翼以飛  
黃蘗豈不苦啖之甘如飴湘江死可從在昔傳二妃彼嫁此未嫁  
萬古同一悲竹淚有時滅芳名今未衰敢告采風者視我貞女詩

賁門集

卷下

五

天懷尚  
尺民圖  
壽山章

萬古同一悲竹淚有時滅芳名今未衰敢告采風者視我貞女詩  
黃蘗豈不苦啖之甘如飴湘江死可從在昔傳二妃彼嫁此未嫁  
萬古同一悲竹淚有時滅芳名今未衰敢告采風者視我貞女詩  
樂既無耽管疑疑應葉鼠腹轉轉投官交交問處無氣難或謂其

3角

